

Oantekens Algemiene Gearkomste fan It Frysk Boun om Utens, op 14 april 2018 yn Ljouwert, It Provinsjehûs

1e ferzje 17-04-2018

1. Iepening troch de foarsitter fan It Boun, Jan Bijkerk

De foarsitter fan It Frysk Boun om Utens hjit eltsenien hertlik wolkom yn Ljouwert. It FBoU is hjoed te gast by de Provinsje Fryslân en dat is tige nijsgjirrich yn it ramt fan 'Ljouwert Kulturele Haadstêd 2018 fan Europa'.

In spesjaal wolkom is der foar de eareleden Stoffel Haagsma, Hans Weijer en Sjoerd Bakker. Earelid Hâns Dijk is mei it koar oan it oefenjen, mar net minder wolkom fansels.

Ek in wolkom foar de hear Dries Wijbenga fan it Selskip 1844 en frou Geeske Frieswijk fan it IFAT.

De foarsitter seit dat dit in koarte saaklike gearkomste wurde moat, om meer tiid oer te hâlden foar it feest fan de Friezedei. Hy hat foar dizze gelegenheid de foarsittershammer meinommen.

Hy lêst it gedicht 'Bern fan Fryslân' fan Anne Jousma foar en dermei is de 94e Algemiene Gearkomste fan it FBoU iepene, mei in hammerslach.

Mei begelieding fan Jaap Bakker op syn lûkpûde wurdt it Frysk Folksliet songen.

2. Meidielings en ynkommen stikken

2.1. Jan Piet Bergmans is 25 jier skriuwer west fan de krite Utert.

Popke Slange (krite Hoarn) is al mear as 50 jier ponghâlder fan de krite 'Troch de tael ferbûn'. De gearkomste kin dit wol wurdearje en klapt de beide mannen ta.

2.2. Der is berjocht fan behindering fan de ereleden Klaas Bos en Hinke Hofman.

Klaas lit ús allegear de hertlike groetnis fia syn frou oerbringe. Hy is net by steat om nei de AG te kommen; nei in heup-operaasje ferline jier is hy yn in fersoargingshûs belâne. Hy hat it dêr tige nei 't sin, mar de sûnens spilet him parten. De mobiliteit en de spraak wolle net mear sa't hy graach wol....

Earelid Wietse Hofman is spitigernoach ferstoarn. Hinke docht eltsenien de groetnis.

Ek ferstoarn is de hear Kees Kuipers, by libben skriuwer fan it IFAT.

De gearkomste betinkt no steand de leden dy't ferstoarn binne.

2.3. It docht bliken dat fan alle kriteren fertsjinwurdigers oanwêzich binne.

2.4. Der komme gjin ynkommen stikken oan bar.

3. Oantekens fan de 93ste Algemiene Gearkomste yn Lelystêd

3.1. Flaters yn de tekst: gjinien.

De oantekens wurde fêststeld mei applaus foar de gearstaller(s).

3.2. Nei oanlieding fan: gjin opmerkings.

4. Jierferslach bounsskriuwer oer 2017

Der binne gjin opmerkings en/of fragen oer. Kees v.d. Beek kriget applaus.

5. Ferslach rekkenopnimmers oer 2017 en beneamen nije rekkenopnimmers

Hans Groenhof (krite Assen) seit út namme fan de rekkenopnimmers (Arnhem en Assen) dat de boeken fan it Boun en fan it SBF kontrolearre binne. Der bliken gjin kasferskillen te wêzen en de administraasje seach der tige fersoarge út, ek al omdat tsjinwurdich alles digitaal giet. De rekken fan baten en lesten 2017 en balâns op 31 desimber 2017, publisearre yn it Ambyld 47, kloppet.

De kaskommisje stelle de ledegearkomste foar om de ponghâlder (Jan Vogel) te betankjen foar syn wurk en it bestjoer te desjarzjearjen foar it finansjeel bewâld oer it ferieningsjier 2016-2017.

Dat wurdt troch de gearkomste oernommen mei applaus.

De rekkenopnimmers hawwe ûndersteane oanbefellings:

1. Op de balâns stiet in post fan € 525,07 foar it 'Steunfûns stipe ledekriten'. Neffens de ponghâlder is hjir yn lange tiid gjin berop op dien. Wy (de rekkenopnimmers) freegje ús ôf oft sa'n fûns noch wol nedich is en stelle it bestjoer foar om it bedrach op te nimmen yn de algemiene middels.

2. Wat it boekefûns oanbelanget, de omset rint danich tebek en it is de fraach hoelang it noch sin hat om troch te gean. As op in stuit besletten wurdt om it fûns op te heffen, dan is it faaks mooglik om de foarrie te ferdielen ûnder alle ledekriten nei rato fan it ledetal. De kriten kinne de boeken dan ferlotsje op kritejûnen.

De foarsitter seit dat it bestjoer oer de earste oanbefelling gear sil en dat de twadde by agindapunt 8 oan 'e oarder komme sil.

De rekkenopnimmers wurde betanke foar harren wurk.
Nije rekkenopnimmers oer 2018 wurde Assen en Boadegraven.

6. Finânsjes

6.1. Jierrekken ponghâlder 2017

Jan Vogel jout taljochting. De ynlage rint tebek; dat komt troch it tebekrinnen fan it tal kriteleden. Ek de subsydzje fan IFAT rint tebek; dat komt omt der noch mar ien toanielploech is (krite Assen).
Der binne gjin fragen oer de jierrekken.

6.2. Begrutting 2018

Jan Vogel jout taljochting op de begrutting.
De foarsitter seit dat der foar de Friezedei subsydzje oanfrege is by de Provinsje Fryslân, mar dat is ôfwiisd. We binne lykwols wol yn it Provinsjehûs te gast. Der is wol subsydzje tasein troch it Prins Bernard Cultuurfonds (earder Anjerfonds).
Der binne gjin fragen oer de begrutting 2018.

7. Ferslach rekkenopnimmers Sintrale Boeke Ferkeap 2017 en beneamen nije rekkenopnimmers

Dat is al oan 'e oarder kommen by agindapunt 5.
Nije rekkenopnimmers oer 2018 wurde Assen en Boadegraven.

8. Jierrekken Sintrale Boeke Ferkeap oer 2017

Taljochting op de sifers:

Der is in daling yn omset fan sa'n € 750,00. De ferklearing: De omset by foaral de grutste kriteren (Apeldoarn en Swol) is drastysk sakke – Swol hie 1 ferkeapjûn minder en der waard minder ferkocht oan de lêsgroep. Besites oan kriteren sûnder boekferkeap en losse ferkeap oan lêsgroepen smiet lokkicher-nôch rûm € 335,00 op.

Der binne gjin fragen oer de jierrekken.

De foarsitter seit dat Jan Roelants en Jelma Wiegersma twa jier lyn mei in protte enthousiasme de SBF oernommen hawwe fan Janke Bergmans. Se hawwe der in protte energy yn stoppe, mar no't se allebeide in betelle baan hawwe, hawwe se eins gjin tiid mear foar de boeken. Dêrneist rint ek de ferkeap fan nije boeken stadich tebek en wurdt it dreger om se oan de man/frou te bringen. Jan en Jelma wolle der mei ophâlde en de gearkomste hat der begrip foar.

It bestjoer fan it Boun hat der oer praat en komt mei it útstel om de oanbefelling van de rekkenopnimbers (sjoch agindapunt 5) oer te nimmen. Dat betsjut dat de foarrie boeken ferdield wurdt oer de ledekriteren nei rato fan it oantal leden.

De ledegearkomste nimt dit útstel as beslút oer.

Jan Roelants seit dat dus hjoed de lêste ferkeap fan nije boeken is en dêrom hat er moaie oanbiedings.

De foarsitter betanket Jan en Jelma foar harren krewearjen. It bestjoer sil oer de útfiering fan it beslút te set.

9. Algemeine gearkomste 2019

De AG fan 2019 sil yn Swol holden wurde op 30 maart 2019. It Frysk Selskip Swol bestiet dan 120 jier. De foarsitter betanket de foarsitter fan de krite Swol, Jan Bosgraaf, foar it aanbod. Oer de AG fan 2020 sil de krite Assen noch neitinke. De krite Assen bestiet yn 2020 al 90 jier.

10. Toanielsaken

10.1. It Boun: De toanielploegen wurde minder yn oantal. Toaniel bliuwt tige wichtich foar it Boun en de oansletten kriteren. Yn eltse krite binne ien of mear toanieljûnen yn it winterskoft.

De toanielploech fan Utert-Boadegraven-Woerden (dielstoaniel) is der mei ophâlden.

Teatske Haanstra (krite Assen) seit dat de toanielploech fan krite Assen noch wol bestiet, mar gjin stik útfierd hat. Se besykje in trochstart te meitsjen.

De hear Koopmans (krite Meppel) freget nei ervarings mei in kritebarren op in middei yn stee fan op in jûn. Ferskate kriteren hawwe ien of mear middei-ynfollings en de ûnderfinings binne goed.

Jan Roelants (krite Utert) seit dat in kriteremiddei gjin nije leden lûke sil, want it jongerein kin faak net op in middei.

Hylke de Haan (krite De Haach) seit dat yn De Haag op twa streamen ynset wurdt: foar de jongerein op 'e jûn en foar de âlderein op 'e middei. Dat rint goed.

10.2. IFAT: By alle bestjoersgearkomsten fan it Bounbestjoer wurdt de stân fan saken op it mêd fan toaniel besprutsen.

IFAT ('It Frysk Amateur Toaniel') is yn 1953 oprjochte troch:

* BFT – Boun fan Fryske Toanielselskippen

KONSEPT

* FBOU – Frysk Boun om Utens

* It âld Selskip – Selskip foar Fryske Tael en Skriftekennisse

De haadreden fan it oprjochtsjen fan IFAT is it bondeljen fan alle organisaasjes, sawol yn as bûten de provinsje Fryslân, dy't ta doel hawwe it fuortsterkjen fan de Fryske taal en kultuer en yn it bysûnder it opfieren fan Frysktalich toanielwurk troch amateurs.

IFAT besiket dat doel nei te stribjen troch it stypjen fan toanielkrigen, fan stúdzjedagen en stúdzjewykeinen, fan karmasterskursussen, fan kursussen beljochting, dekôrbou en oare toanielomballings, rezjykursussen, en it befoarderjen fan lêzen en foarlêzen yn de Fryske taal.

IFAT is in lanlike organisaasje en kriget sûnt 1953 lanlike subsydze, sûnt 2002 yn it ramt fan de Bestjoersôfspraak "Fryske Taal en Kultuer". IFAT behertiget de belangen fan de trije oansletten organisaasjes benammen yn it oerlis mei de oerheid oer it subsydzjebarren.

11. Bestjoer – ôfgean en wer ynhiere fan bestjoersleden

It roaster fan ôfgean sa't dat fêststeld is, is:

2018: Kees v.d. Beek, skriuwer.

Hy is werkiesber. De gearkomste wol dat graach en applaudisearret foar Kees.

It bestjoer stelt de gearkomste foar om yn de fakatuere Tia Walstra de hear Hylke de Haan (krite De Haach) te beneammen als algemien lid. De gearkomste hat hjir gjin beswier tsjin, mar applaus foar oer.

Hylke seit it ien en oar oer himsels (berne yn de Gordyk, stúdzje yn Delft, lid west fan 'Aldgilles' en no ponghâlder fan krite De Haach. Dan skowt er efter de bestjoerstafel.

12. Plan 23

De oprop om e-mailadressen hat sukses hân. Der binne op it stuit 131 adressen sammele fan oer de hiele wrâld. De adressen wurde ek brûkt foar it stjoeren fan ynformaasje as de minsken dat wolle.

Fierder steane de krite-aktiviteiten op de website fan it Boun (as se trochjûn wurde).

De Moetings- en Ynspiraasjedei bliuwt. Dat wie yn 2017 in moaie dei.

13. Kontakt bestjoersleden mei kriter

Op de webside stiet de ferdieling van de bestjoersleden oer de ledekriter.

Hans Groenhof (krite Assen) neamt wat saken dy't ferkeard of net op de website steane. Jan Bijkerk seit ta dit op te lossen.

Mei de komst fan Hylke de Haan sil der in nije ferdieling fan de bestjoersleden oer de ledekriter komme.

14. Moetings- en ynspiraasje dei 2018

De MYD yn 2018 is op 17 novimber 2018 yn Hurderwyk (de Kiekchure). Foarearst wurdt frege om op dizze datum gjin eigen krite-aktiviteiten te organisearjen.

De foarsitter freget de gearkomste om binnen 4 wiken mei suggesjes te kommen foar de ynfolling fan dizze dei (oanjaan by de skriuwer).

Jan Roelants stelt út om dan de nije boeken te ferdielen oer de ledekriter. Dit útstel wurdt oernommen.

15. Mediasaken / Omrop Fryslân

Jan Piet Bergmans hat yn it Ambyld ynformaasje opnimme litten, mei in oanfolling fan de skriuwer yn de tahekke fan de agenda.

16. Promoasje Boun

It promoasjewurk beslacht it neikommende:

- a. It Frysk Boun om Utens moat te finen wêze yn neislachwurken sa as it Bûsboekje en guon databanken op ynternet.
- b. Berikber wêze en ynformaasje jaan op it ynternet mei ús webside www.fryskbutenfryslan.frl.
- c. It trochjaan fan krite-aktiviteiten. Op de webside fan it Boun is no in Aktiviteitenkalinder opnommen: alle krite jouwe oan de redaksje fan de webside troch wat der sa al yn it winterskoft op 'e rol stiet.

De redaksje fan de webside bestiet út Jan Bijkerk en Kees van der Beek:
skriuwerfbou@fryskbutenfryslan.frl.

17. Nijsfoarsjenning nei de krite ta.

Dêrfoar hawwe wy ús Ynformaasjemap. De Ynformaasjemap stiet op ús webside en wurdt dêr ek regelmjittich ferfarske. Dy ferfarsking wurdt boppedat oer de mail nei alle skriuwers fan de krite stjoerd. Op dy wize kinne wy de krite flugger berikke en it sparret in protte wurk en tiid. Boppedat is it stikken goedkeaper.

De Ynformaasjemap is op de webside fan It Boun sûnder wachturd beskikber.

Meitsje sa folle mooglik gebrûk fan ús webside: www.fryskbutenfryslan.frl, benammen ek fan de mooglikheid op de "eigen kriteside" ynformaasje te jaan oer jimme programma en wat noch mear nijsgjirrich wêze kin foar oaren. Sjoch ek ris ûnder de knop "Weblog". Op sa'n wize kin in ûnderlinge diskusje yn gong set wurde, mei wa wit wat foar ferrassende resultaten.

Alle kritebestjoeren hawwe tsjintwurdich de mooglikheid om op dizze wize gebrûk te meitsjen fan de Ynformaasjemap; in útprinte eksimplaar wurdt dêrom ek net mear tastjoerd. Foar hiel wichtige ynformaasje stjoere wy de krite in e-mail ta, mei in ferwizing nei de webside oer wat der feroare is. In kopy fan dy e-mail en fan de feroare ynformaasje giet dan nei de krite, dy't gjin gebrûk fan ús webside meitsje kin. De fersprieding fan It AMBYLD, mei de gearkomstestikken foar de jierlikse Algemiene Gearkomste, giet fia de mail en is yn te sjen op de webside fan it Boun.

18. Folkshegeskoalle Schylgeralân

Op in prachtige lokaasje yn de bosk fan Skylge, deunby it Noardseestrân en it Wrâlderfgoed Waadsee, fine jo de Folkshegeskoalle Schylgeralân. Jo binne dêr fan herte wolkom foar in ferskaat oan kursussen en aktiviteiten en foar in hearlik fersoarge ferbliuw. Untspannend, learsum of kreatyf, ek yn 2017 is it der wer op de Folkshegeskoalle. It aanbod is yndield yn tema's, mar der binne ek alle mooglike kombinaasjes mooglik, lykas de natuer en skilderjen of besinning en taal. Foar in folslein oersicht fan aktiviteiten dit jier sjoch de Jierkalinder op de webside.

Efkes allinnich mar ûntspanne? Dat kin ek. Underskate ferbliuws-mooglikheden kinne ek los boekje wurde, yndividueel of mei in groep.

Edukaasje, natuer en ferdivedaasje yn de Skylger bosk. Ynskriuwe foar in kursus kin fia de webside. Of se helpe jo graach tillefoanysk op wei: 0562 – 448954. Hiel graach oant sjen op de Folkshegeskoalle.

Kom, nim de tiid foar josels en genietsje!

Yn 2018 bestiet de Folkshegeskoalle Schylgeralân 70 jier. Dat jubileum wolle se fiere mei in reüny fan eltsenien dy't ea op Simmerkamp west hat op de Folkshegeskoalle op Skylge. Dy Simmerkampen foar jongerein binne sûnt de oprjochting yn 1948 al organisearre troch de FHS. Sy hoopje elk werom te sjen yn it wykein fan 29 juny oant en mei 1 july 2018. Yn de 70 jier dat de Folkshegeskuolle bestiet, hawwe kloften bern in geweldich fakânsjekamp meimakke op Skylge. Bysûndere oantinkens oan it fjouwerkante bosk, ferskes sjonge, it strân, meihelpe mei itensieden en kete op 'e sliepseal. Se nûgje alle Simmerkampers, bern en lieding, út om dy oantinkens mei-inoar op te heljen op Schylgeralân.

It reünyprogramma is op 30 juny, mei de mooglikheid foar in gesellige jûn op freed of sneon derby mei de Fryske band Volk of fansels efkes om 'e hoeke sjen by Hessel yn 't doarp.

Foar ynformaasje: info@folkshegeskoalle.frl

Webside: www.folkshegeskoalle.frl

It adres: Folkshegeskoalle Schylgeralân

Badwei Hoarne 11

8896 KC Hoarne Skylge

tillefoan: 0562 – 448954

19. Wat fierder noch op it aljemint komt

De hear Koopmans (krite Meppel) lêst it gedicht 'De sûnden fan de âlders' foar.

Fierders komt der neat op it aljemint.

20. Omfregjen

20.1. Hans Groenhof (krite Assen) neamt noch in tal flaters op de website. Jan Bijkerk seit ta om der nei te sjen en it te ferbetterjen.

Fierders seit de hear Groenhof dat it ferslach fan de lêste gearkomste fan Diel Noard by de skriuwer is.

20.2. Johannes de Kroon (krite Hurderwyk) jout de suggesty om in biblioteek fan âlde boeken op te setten, as de ferkeap tebek rint. Yn Hurderwyk rint it als in tierelier.

'Der moat Frysk lêzen wurde', seit de Kroon.

20.3. Henk de Boer (krite Apeldoorn) freget oandacht foar de ferlotting en de prizetafel. In lot is altyd priis!

21. Sluten fan de 94e Algemiene Gearkomste

Jan Bijkerk slút de gearkomste mei in betankje oan de Provinsje Fryslân foar de gastfrijens.

Jan winsket eltsenien in lekkere lunsj, in moaie middei en oant sjen.

Gerrit Stegenga, april 2018

KONSEPT